



壽朱太尊

劉曰寧

蕤賓煥彩龍纏開壽域于黃堂昴宿凝暉鴻運藹  
台光子朱夏敬抱寸忱而嵩祝願偕萬姓以歡歌  
寅惟臺下南都宗伯北斗元良兩榜魁名早歲聲  
高于班馬九州岳牧廣陵政最于龔黃秉憲司戎  
豸繡借旌旄之美調元贊化股肱資黼黻之文班  
爛瑞映于庭闈遙增鶴筭弧矢祥呈于蓬海竚賁  
鸞章某竊伏下寮躬逢盛美有懷燕賀俯效蛩鳴  
惟願桃實三千日享九夏無疆之福椿齡八百榮

登三公有道之朝曷已忻承能勝忝舞

嵩祝

漢武帝登嵩高

龔黃

黃霸龔遂吏治俱稱第一

回賀生辰啓

代

袁宏道

人生七十稀已踐暮年之景古詩三百首忽聆風  
雅之音華髮生光汗顏拜祝恭惟先生藝苑英髦  
騷壇巨擘弄月吟風之句膾炙一時經天緯地之  
文源流諸父嘉惠始生之日遠貽絕妙之詞雖貧  
家素乏雪兒不能巧轉然同社豈無墨客可共賞  
音佩德惟深含毫莫寫

雪兒

古妓之善歌者

賀申長洲壽

代

李 鼎

伏以嵩嶽極天從帝座三台之望瑤池麗日歛箕  
疇五福之先東壁光浮西藩喜溢兕觥遙祝鶴算  
方增恭惟相公閣下端笏堯堂濯纓孔泗陳天人  
相與之策榮奪錦標應乾坤交泰之期名高玉鉉  
持鑑衡於棘苑品出驪黃秉斧鉞于蘭堂光搖珠  
墨歲星初度流光璀璨于九衢壽域弘開和氣氤  
氲于八極禧延寶曆序屆金商露湛蓬壺風清桂  
海文移北斗開天象書吐玉麟酒獻南山作壽杯

信傳青鳥某側名鴈塔蚤藉五雲之末光附翼鯤池獨展二天之廣庇一官楚甸三頌齊丘薦海上之蟠桃願裊清塵于物表傳禁闈之制草竚揚赤寫于中書某無任拜俛忭躍之至

麟吐玉書

孔子未生時有麟至闕里門吐玉書曰水精之子繼衰周而素王

鴈塔

唐帝肇及第偶于慈恩寺鴈塔下題名后人效之遂成故事自神龍以來杏園宴后皆於鴈塔下題名出古今詩話

賀沈蛟門相公壽

連繼芳

伏以彌賚良於帝崛起商霖嶽峻起於天誕生周翰海上聞鵬羽翼人間見鶴儀刑恭惟某官宗匠文章阿衡相烈索震主器輦泰山於四維以人事君升鉉路者三益當三十年必世之運逢五百載王佐之興九十售人以春光泰階之陽和匝地六千結桃於秋實鼎軸之壽域開天公之生今止緣天下思名世公之壽也又為朝廷戀老臣河洛毓其精神尼山標其骨骼人皆重乎黃髮共賀萬曆

之臯夔主獨眷乎丹衷永佐大明之堯舜某仰斗  
 心懸觀風跡繫覲石麟於天上僭繪函谷之牛阻  
 銅狄於朝中載頌高岡之鳳伏願玉筴常新金甌  
 彌固子云大德壽詩歌君子萬年燮陰燮陽春  
 榮豈比人間之卉補裳補袞蓬島常延天下之春

石麟

南史徐陵生僧寶誌摩其頂曰天上石麒麟也

銅狄

神仙傳薊子訓與一老翁共摩澤宮門銅狄曰適見鑄此已五百年矣

賀申長洲壽

李言恭

伏以洛邑貞休王舉功宗之典歲星呈瑞天壽平  
 格之賢蔭祚彌長帑笥載錫欣欣然有喜色皆慶  
 瞻柱石之勳蕩蕩乎無能名咸願溢海天之筭恭  
 惟閣下心涵天象應壽星曜日之符氣稟地靈際  
 崧嶽生申之會望實隆乎時棟德可裕於後昆黼  
 黻皇猷類仲山之補袞陶鎔君德若傳巖之礪金  
 譽洽百年功昭六合邇乃經營底績落成方著於  
 慈宮是用金幣覃恩渙渥更延于秘舍既申錫以

繁祉宜永享乎遐齡茲以令布仲秋律吹南呂方  
越中秋之翼旦正天人鬲盛之時况逢聖作之昌  
期尤君相泰交之會五百年而生賢聖惟此其然  
八千歲以爲春秋自今伊始瞻龍鍾之在望喜天  
開不老之祥卜鶴筭以無疆願日進長生之酒某  
長無尺寸幸棖闈之任不遺器本錙銖但襪線之  
才是取猥司南服忝守金陵適仰孤懸更羨休徵  
之畢聚不騰雀躍敢申賀厦之微忱僉曰得位得  
祿得其名不啻於今而爲烈尤願多福多壽多男

子直將與國而咸休無斃頌思統其鑒在

龍鍾

蘇林演義龍鍾不昌熾不翹首鬚蓬鬆拉  
搭之類張晉公未第時羈旅洛中策驢上

天津橋時淮西不庭已數年有二老人倚  
橋柱語曰蔡州何時得平見晉公愕然曰  
適憂蔡州未平須待此人爲相僕聞  
言公公曰彼見我龍鍾故相戲耳

賀申長洲壽

湯來聘

伏以天祐皇家五百年而啓泰帝賚良弼八千歲  
以爲春身縮金章茂衍黃籙紫宮之祉腹吞玉象  
益延蒼松翠栢之年弧懸于秋色平分之明朝人  
月應團圓之會嶽降于聖人篤生之昨夜君相協  
先後之天色爛燿霞慶敷寰海恭惟某官列緯元  
精兩儀間氣豪端醲郁丹墀獨對三千胸內絲綸  
紫極快瞻九五芙蓉應兆不虛神姆之言梅雪題  
詩果副元台之望龍樓鳳閣歷陳太平之謨袞衣

繡裳躬覲天日之表直亮忠勤惟一二輩左右輔  
弼幾二十年碩畫蓋謀撫寧華夏陰功隱惠孚感  
神明堯舜御萬方正明月日皐夔宅百揆方際風  
雲乃瞻棠梓故邦養高松筠舊徑晉公怡綠野綿  
唐曆之偉伐永盟旂常留侯訪赤松定漢鼎之元  
勲尚垂帶礪故忠誠通三極人多美君實之年而  
勲德亘八荒民猶望魏公之相龍光在壁共驚鱗  
袍玉帶之榮鶴表出塵畫祝壽山福海之慶某化  
育久沾于雨露文衡謬任于南都欲持南豐一瓣  
之香遙致魯人三禱之頌伏願著蔡舊德隆泰山  
太傅之名龜鶴喬齡應上極老人之瑞康寧壽考  
邁德於汾陽禮樂雍熙仰承於姪且

芙蓉應兆

西陽雜俎李固言遇一老姥為言郎君芙蓉鏡下及第明年果中狀元有

人鏡芙蓉之語  
姪即金天神也

南豐一瓣

陳后山詩向來一瓣香敬為魯南豐  
蓋諸禪開堂至第三瓣香推其得法  
所自則云此一瓣香敬為  
某人后山師南豐故云



賀趙相八壽

連繼芳

伏以上柱擎霄千載應地天之泰中台徇日三春  
 添海屋之壽允屬休期祥開彌月恭惟某官人符  
 三代名唱五雲紘軸在其仔肩九陞清宴霖雨惟  
 其運掌萬里陽和試觀之椿欣欣而向榮又觀之  
 桃天天而正灼江山麗人以遲日斗杓於天為建  
 辰公誕多奇五百年有名世嶽降非偶八千歲以  
 為春蓋天生社稷主必生社稷臣帝之師兼王之  
 佐天賚良弼躬因賚良弼壽南之極與西之庶累

洽樞衡卿相共推元老熒煌德業姬孔應是前身  
泰階平蒼生多絳人之甲子壽域啓黃閣有莊氏  
之春秋某身繫匏瓜心懸華岱繪函谷關中之子  
獻蓬萊閣上之僊所願以鹽梅舟楫爲春臺勲在  
則人在以堯舜君民爲壽考名存則身存玉燭之  
日月偏長松筠不向雪中老金甌之乾坤無極槐  
蔭常綿天下春

絳人甲子

左傳絳縣老人曰臣生四百四十五  
甲子矣師曠曰七十三年蓋每一甲  
子該六十日師曠  
合之得七十三年

賀沈鄞縣相公壽

李國祥

伏以函中龍立神符開首輔承天雲裏鵠騫靈契  
徵長年夾日當軸科名不媿作舟壽域咸躋福應  
五先祝從三後恭惟相公靈源炳漢符采鑠雲爽  
氣眉間光映四門明獻汪波襟際湛深三港鄞江  
竹箭不盡羨東南虞翻明易金馬謂可兼工敏張  
率脩詞鰲禁從容景行六如宥密燕衡識鑒仰效  
九品揆揚桃李春官甫任冲天羽翼音聲夜未忽  
馮作朕股肱東燧西燧筮借禁中頗牧遙山幼海

翻成殿下綺園潜消射蜮之魂默奪權貂之魄寧  
 曰救時二相應變守文實惟平世三公扶微興壞  
 大施人戴曼壽天申惟是貴為天咫宰應宜長作  
 地行僊望杏握蘭歲歲酌茲大斗飛英藉草人人  
 稱彼上觴一佛西方雙星南極野祝壁面留詩五  
 色雲穿千尋石裂朝慶江頭獻曲洵冥貺以難老  
 維帝眷之作朋某識本拘墟任當問水恤恤每同  
 刻鵠殷殷幾見歸鴻非不記九鶴集庭之辰乃無  
 從效一鵠開籠之祝祗據丹以三寸聊表素於雙  
 行非託已知是為國賀伏願壽如箕翼倍二十四  
 考中書福似岡陵參一百七年長信望霖起鮒沾  
 九里潤於行河舐鼎升鷄乘兩腋風以轉運

竹箭虞翻

爾雅東南之美有會稽之竹箭焉虞翻字仲翔餘姚人垂髫時客有候其

尤者不過翻一遺書曰虎魄不取腐草磁石不受曲針過而不存宜矣客大奇之嘗以所注易示孔融融歎曰東南之美非特竹箭也淮南王昇仙去遺藥鼎于庭中鷄犬舐之皆飛去

舐鼎

淮南王昇仙去遺藥鼎于庭中鷄犬舐之皆飛去

賀張蒲州壽

代

李鼎

伏以寶鼎凝圖參紫極而三台日近玉書吐燄開  
 黃道而五嶽天齊業永千秋功成四序虞庭慶洽  
 楚甸歡騰洪惟相公閣下朝端元老天際真人近  
 堯舜之居若此其甚績臯夔之績如彼其隆貯九  
 丘八索於胸中洪鍾待叩覽六合九垓於眼底金  
 鏡高懸棘院持衡盡網中原之麟鳳蘭堂秉筆森  
 羅太乙之星辰衍堯曆于萬年人躋壽域擁軒冀  
 于億載道洽熙朝迺誕賓紀序之辰正申伯誕生

詩集卷六

之節日長似歲壽永如天簾捲彤雲冷浸琅玕之  
簾筵開紫閣光浮琥珀之杯西極星躔煥龍文之  
五色東溟霧靄添鶴筭之千齡某身繫一官魂搖  
八極酌章江之玄醴滿泛千觴對匡阜之香爐遙  
稱三祝無任拜僊忭躍之至

九丘八索

孔安國尚書序八卦之說謂之八索求其義也九州之志謂之九丘丘聚也言九州所有土地所生風氣所宜皆聚于此書也

賀相公壽

樊 煇

伏以維嶽鍾申千載慶明良之會郊禡誕契八荒  
開壽域之尊蟠桃蚤熟於朱明蕙莢重新於紫極  
光生朝著喜溢簪纓恭惟大師相金陵毓秀玉署  
蜚聲兩榜元魁望久隆於山斗三朝啓沃德遠嫺  
夫阿衡卓哉帝師巍然臣表某名叨附驥分屬施  
蘿江右鳴琴曾憶王喬之鳥漢南振鐔緬思伯樂  
之逢感覆庇之有年愧涓埃之未效頃者天祝呈  
祥南薰解阜新潮三島恍疑青鳥飛來遲日五雲

會見丹砂流轉何緣末學睹此竒逢遙瞻北斗之  
 光怵舞南山之壽伏願葵忱日麗椿祝彌堅聽履  
 上星辰小心翼翼委蛇趨禁闈令望顯顯為鹽梅  
 為舟楫為霖雨元氣日固於調元如日升如月恒  
 如川至帝祉駢申於上帝樂只萬載典儀百年

施蘿

詩葛與女蘿  
施于松柏

伯樂逢

韓子騏驎困鹽車負而上虞坂  
見伯樂而長鳴知其識已也

賀申長洲壽

唐文燦

伏以玄穹回泰運調元之相業方隆紫閣納豐禧  
 駐景之僊齡斯永瑞呈南極光映北辰恭惟某官  
 擅乾坤之粹氣凝柱石之竒標長培國脉于和平  
 普濟民生于富壽斗杓既臨建酉弧矢遂報生申  
 聖節開先詔旦唱高呼於殿陛賢科振後屆期縈  
 萊舞於階庭盖有君必有臣允協雲龍之昌會惟  
 是父兼是子彌綿臯鶴之和聲洋洋乎慶洽家邦  
 焯焯然盛超臺省某榜名濫綴慚附驥之難追臬

職虛縻悵獻羔之莫遂恭授荒箋於下走肩通陋  
 籠於中涓俯展塵懷仰承嶽誕五百年名世佇觀  
 積勲闕以勒鼎鍾八百歲為秋且卜完真詮而登  
 圖錄

中涓

史記曹參以中涓從又萬石君為中涓受  
 書謁如淳曰中涓如中謁者師古曰涓潔  
 也言其在中主潔清洒  
 掃之事蓋親近左右也

賀張江陵壽

李鼎

伏以金鉉調元九鼎奠輿圖而永鎮玉樞幹運八  
 荒開壽域以無疆丁名世五百餘年祝君子萬有  
 千秋歡騰逖邇慶洽明良洪惟相公閣下孔席真  
 孺堯堂碩輔弘大人格心之理允矣帝師擴天命  
 先覺之懷居然聖相雉來九譯知周海之無波鳳  
 舞兩階識舜庭之有道挽流風於純嘏律起黃鍾  
 翼景運於靈長功參玄極天倚三公為北斗乾轉  
 坤旋人歌萬壽似南山山川增日盛至文潞加恩之

日正宣尼攝相之年龍光透室而五色呈祥鰲足  
 擎天而千秋益算賜冰蒲椀涼徹龍皮法饌盈盤  
 耳分麟脯舞鳳雛於黃閣宮錦連雲齊鶴馭於紫  
 宸瑤觴浮月千百代共仰遐齡億兆人所傳盛事  
 某濫巾遠服望履層霄紫霧散香爐光浮五嶽清  
 輝涵石鏡色近三台頌麥丘而頂踵知恩企蓬壺  
 而愷情醉德無任拜舞忭躍之至

頌麥丘

左傳麥丘邑人祝齊桓公願  
主君無得罪于羣臣百姓

賀張蒲州壽代

唐文燦

恭惟相公閣下應運篤生既萃乾坤之間氣隨時  
 匡濟方標社稷之殊勲旋斗柄而元氣頓回協薰  
 絃而和聲交動傳巖舟出連朝霈救旱其霖温國  
 一留率土霑止焚德水茲誕辰之攸屆適建午之  
 聿逢殿閣日初長納恢胎於大夏階庭露正湛通  
 潤脉於高穹離明之景象有徵豫順之祥禧無量  
 老師相垂紳禊祉躬平格以迓遐齡新郎君綴珮  
 承歡踵熾昌而延後祿赫赫然家邦竝盛綿綿乎



百壽類函 卷六  
祚胤俱長某遙慕上台近依南極頌五百年之名  
世永陪王佐於瑤編祈八千歲之爲春直等神僊  
於金錄

日初長

唐詩薄暑始知春漸  
去閑天但覺日初長

賀嚴相公壽

代

徐渭

門弧縣月儼依賜勝之圖卮酒流霞滿逗傳楫之  
液年年此節在在回陽伏念某官河嶽儲精鳳麟  
協瑞生緣吉夢盛傳孔釋之徵出遇明時綽有臯  
夔之望歷幾遷而入相同一敬以格天四海具瞻  
萬邦爲憲恭惟華誕爰屬首春八袞初躋同尚父  
遇君之日一年以長多潞公結社之時冀莢徵舒  
已含元氣支干更始載歷二旬兼齒德爵而全之  
天爲獨厚積歲月時而值此人所希逢某夙侍講

筵幸承餘教自叨節鎮幾動浮言曲荷保全尚克  
任使知我比於生我益徵古語之非虛感恩圖以  
報恩其柰昊天之恩極遙思旭旦賓從如流自阻  
修途心搖若旆是用致水土之薄物敢竊比於珍  
從述功德以片詞不自知其蕪陋托之百拜馳以  
寸衷伏願保固台嚴膺綏福履年高德邵永調伊  
傳之鹽梅主聖臣賢遠邁喬松之呼吸就車輿以  
應召賜几杖而乞言壽考百年詎止武公之睿聖  
彌亮四世永作康王之父師

賀致仕申長洲相公壽

代

李國祥

伏以袞歸黃髮重登駟軸領千官觴屬朱顏竝暉  
箕翼朋三壽值綬麟初度介鶴筭長年詞致遵鴻  
心申籠鶴恭惟某官金聲玉色嶽峙淵清吐納風  
流肅然似在宗廟胚渾霜氣穆矣如行栢松灑揮  
擊鉢金門顧問扣鍾芸閣陸擘齊聲風素知章繼  
美文儒神化丹青坐三槐於正面翼馮柱石維九  
枳以重藩川警海氛賴淵謀於英袞鶴游鵝陷借  
石畫于阿衡陰濟中書寧曰伯恭百歲恬愉幽谷

詎驩子溥七松有子青箱無官綠野冰心湛徹芝  
宇長春天上霓裳奏在觴霞先夕江干雪練觀當  
壽海茲辰歲看金背之墓律約千秋昕取錦囊之  
露明垂萬里無從瓠落甘枕石以激流寧竟棟隆  
願調梅而作楫某舊謬防汛新濫行河戀德靡諼  
祝年有絆爰憑尺素用寫寸丹伏願蒲裹安車丹  
詔迎申綠野葵傾闕袞霜毫留宋黃扉

金背墓

西陽雜俎長慶中有人中秋夜見月光  
疑身中者陳簡齋有  
屬于林間如匹練就視之一金背蝦蟆墓  
疑身中者陳簡齋有  
金背蝦蟆墓之句云云

壽大宗伯姜老師

孔四可

聖曆靈長正壽域弘開之會歲星光朗肇頌人益  
筭之祥瑞溢煙霞懽騰紳笏恭惟某官東山養重  
北固望高麟閣勒名相業昭懸于日月鴻逵振羽  
僊儀光表于寰區露浥金莖醞經籍以成醴酪波  
生雲錦綴絲綸以補袞衣為傅為師羨東南世家  
名世是父是子稱大小宗伯文宗時屬離明慶逢  
初度三朝元老正太公興渭之年八袞上齡匹潞  
國平章之日華封有祝多壽多福多男天下達尊

爵一齒一德洵太平之盛事歛祐命之駢申揚風  
聲于上方彩鳳將丹綸而炳燦薦蟠桃于瑤海青  
鸞馭紫氣以翱翔某早廁門牆備蒙陶鑄羈棲燕  
北末由稱兕于華筵拜望江南遙致東箋而展祝  
伏祈崇鑒曷勝仰瞻

歲星 大歲星也一歲天而行  
東方朔為歲星游世

潞國平章 宋文彥博歷事四朝出將入相五十  
餘年立朝端重顧盼有威契丹使望

見拱手曰天下異人也封潞國  
公致仕卒年九十二謚忠烈

賀王尚書壽代

李 昂

伏以天曹鏡朗秩崇六相之先海屋壽添光映羣  
僊之錄三銓華與百祿駢繁遠服榮分清朝慶溢  
洪惟閣下殷圖良弼周鼎碩膚道涵三五星纏氣  
吞八九雲夢皎金盤而秋毫在照回玉律而寒谷  
生輝却例簿以薦賢寧事貫魚行鴈持正衡以拔  
雋盡收威鳳祥麟禮以為羅人際陽亨之會門懸  
乎矢天開嶽降之辰望紫雲於函谷爽氣西來飛  
綠雪於樽前薰風南阜乾坤逸以難老宇宙錫之

長春某學步邯鄲浪厠名於桂籍効官吳楚仍借  
色於薇垣願陪五世之班海天遙祝佇聽三公之  
履霖雨宏施某無任飛舞忭躍之至

學步邯鄲

班氏叙傳昔有學步邯鄲者曾未得其彷彿又矢其故步遂匍匐以歸耳

桂籍

東坡詩高會問桂籍又飛騰桂籍他年事

賀徐大司寇壽代

李國祥

伏以綠野梅開光映登年極彩白沙鶯轉響傳賜  
木風聲久圖觀井錢鏗近寫游湖范蠡積祈大斗  
聊託短箋恭惟世父生應松梢顯徵蓮葉孺子辯  
移庭樹元之吟賞荷花推異標竒屈指宛陵惟一  
良籌妙畫追踪畫省無雙敷歷州年處處去思尸  
祝招尋九老優優行樂村沽幽棲近接青陽九華  
繼美閒適近方黃蘖四妙重躡無藉大還業種壽  
泉泌沸有徵久視繫馮福阜崔巍春先六日之辰

初開八秩堂闢五知之地滿泛千觴五百半餘筮  
 舊無移郭璞三台中合兆新有在張華植竹午橋  
 已信白頭心足懸車秋部仍傳繪像風高遐壽為  
 地行之僊素風垂家教之則某慕稱佳器媿賞明  
 珠日屬饜於銅盤難求千里歲逐隊于彩服深願  
 萬霜偶懷宗慈乘風游稱汗漫遂踵魏收申雪禮  
 缺睽違無能開頃刻之花凌空駕鶴有祝注長生  
 之籙尅日趨鳧珍珠河借為尊栢峴山邀為俎直  
 存至敬無藉繁文秀水靈山參此耆英久壽高天

厚地聯而世父難酬芹輕千里鵝毛楮少一籠鴿  
 祝伏願弧南浮彩年年照海屋添籌冀北疏榮代  
 代耀人門襲組童愛髮垂二色父成家起一經

去思尸祝

有德教及民而作去思亭家尸蔡而尸頌祝也

銅盤

漢武為仙人掌上露以延壽銅盤承露以延壽

彩服

老萊子戲彩服以娛二親

宗慈乘風

宗慈順乘長風破萬里浪

頃刻花

僊花開頃刻可獻壽筵

壽范宗伯

周弘祖

伏以帝里回春鳳曆報階  
賞之八葉容臺端藹鶴  
書來海島之三山家承文正之風  
聿光門第業紹  
玄成之素丕振箕裘閭里分榮  
朝野胥慶恭惟某  
官閣下匡彭毓秀牛斗孕靈  
視草北門彩筆炫金  
蓮之燭摛詞東觀雄文搖玉筍  
之班挽方伯連帥  
之章纍纍如斗旋策府瀛洲之翼  
衍衍于磐甫及  
夢松之辰命夔典樂載丁縣弧之  
日咨伯秩宗清  
階仍賀鹽之冰雅詠陋明河之賦  
黑頭葱珮人疑

紫海神仙鉉席槐垣帝倚金鑾柱石大拜已徵於  
 銀信長年永護於紗籠賓從盈庭念禮絕之敬生  
 於座上岡陵奠位慶鼎盛之時擬於日中計朞月  
 以還胎嚮旋轉乾坤之手俟百川方至樂觀汗青  
 竹帛之勲某樗櫟散才駑駘下乘宣風國色徒勤  
 保障之憂占綿台符願進華封之祝惟其物不惟  
 其儀愧無當於千贄矜其愚不錄其罪所俯鑒於  
 一誠

明河賦

宋之問作明河賦以頌武后遂為君子不齒

上關中柴司徒壽

衛池

伏以紫氣凌虛關內重玄言道德鴻濛啓運天中  
 呈赤水圖書地靈朕兆有時物華亭毒不昧恭惟  
 臺下萃秦川之秀良弼縣弧鍾白帝之靈大賢臨  
 况時維小至節屆尊生自八千歲為春孰謂非錢  
 鏗丹誕以五百年命世自茲是申甫延莘長厚類  
 不疑偕嘆歷官郎署恢弘方曼倩共憐待詔公車  
 願躋八座起居雲從龍而風從虎棘擢三公開濟  
 臣佩委而君佩離更望壽域嵯峨翹首祝如岡如



陵如阜快觀德門闕閣効嵩呼多福多壽多男自  
 惟就剡下陳不敢薦承筐玉帛謹述蕪言獻頌聊  
 以代炙背芹莖刻畫無鹽唐突有斐可任干冒激  
 切主臣

德門

孔融為鄭玄立鄭公鄉曰昔東海于公僅  
 有一節猶戒鄉人後其門閭矧乃鄭公之  
 德乎可開廣門閭令  
 客高車號曰通隱門

刻畫無鹽

晉周顛字伯仁少有重名庾亮嘗謂  
 曰諸君咸以君方樂廣顛曰何乃刻  
 畫無鹽唐突西施刻畫雕琢也無鹽齊之  
 醜婦西施越之美女樂廣乃最賢者顛自  
 謙若以我比樂廣即如雕  
 刻無鹽之貌以對西施也

賀兵部尚書壽

徐大化

伏以子月陽回五郡消春融之澤元老德布九天  
 開壽域之祥南極光浮西秦色動恭惟臺下邦家  
 著蔡官府神僊德覆邊陲戎狄問其年貌望隆槐  
 棘兒童知其姓名茲當荔色開筵之時正值申甫  
 降神之日應黃鍾於緹室挺白璧於燕臺千萬人  
 而傑出英猷五百歲而間生各世家居日月之近  
 可謂地接蓬萊身膺龍虎之符真是威揚朔漠階  
 符同耀拱宸極以常尊神岳比崇鎮坤輿而益固

某躬逢穀旦雅觀繁禧塞草生和願拂清風於幕  
府池毛可薦敢鳴丹悃於瓊筵跡阻披雲遙望三  
台紫氣心同傾日更期九轉丹還伏願保合太和  
挈提元氣大椿難老佐有道於萬年朱紱方來迓  
純嘏於百順某無任忭躍祝頌之至

應黃鍾 十一月律

池毛可薦

左傳澗溪沼沚之毛可薦于鬼神

紫氣

老子騎青牛度函谷關關尹望其上有紫氣知有神人來

賀陳道尊乃翁封君 代

盧純臣

伏以鶴筭日升壽曜竝德星而煥彩鴻禧天錫綺  
筵映命服以流輝寵賁林中歡騰海上東南胥慶  
遐邇齊謳恭惟臺下太丘賢胤全閩人豪托興商  
山玄圃歌紫芝之曲娛情石竺青霞續綠野之歡  
真誇陸地神僊不亞香山耆舊八耋喜同尚父宸  
軒慶典重來千齡願侶安期洞府榮光正麗蕤賓  
應律壽域洪開荔子凝香碩人初度試鯉庭之晝  
錦絢金紫於班斲看鳩杖之春暉揖喬松於蓬島

敬執兕觥以獻丹霞之酒敢申燕賀以調玉屑之  
盤擬絳縣于八閩如趨塵尾企元龍于百尺恍接  
酖頭

太丘

陳寔為太丘長初度騷皇覽發余之初度兮

香山

白樂天致仕居東與胡果等九老宴集又與香山僧結社自稱香山居士

丹霞

許碕詩誤翻王母九霞觴

玉屑盤

漢武帝作金莖承露盤和玉屑食以長生

賀致仕太倉相公壽

代

李國祥

伏以昴映午橋雲擁蒲輪日下弧輝丙野霞傾瓊  
醴秋分小同池上鳳毛難老里中龍種福崇百順  
壽永萬霜恭惟某官江左夷吾斗南仁傑瑩然水  
鏡指麾紅紫成章烟矣冰壺俯仰丘陵生韻代言  
玉署宣皇澤以洒春霖秉筆石渠典國謨而披藻  
景黃扉變緯有道共好青春紫閣調元無私自長  
白口堂開綠野龍鍾晚重天津室接青雲鵠聳夙  
詹江表不須伯始延年之菊幾見沙淺蓬萊寧庸

百壽類函 卷六  
方朔曼壽之桃會看塵揚滄海清商始肅壽域弘  
開曲度蓼風吳趨共雲和飄邈筵張桂月宮錦同  
彩服流輝以元老而峻元勲頻乎環召且壽身而  
兼壽國遄矣袞歸洛水龍攄君實知名紫塞東山  
鳳起謝安繫望蒼生某才短錫圭心長望履盈盈  
衣帶之水脉脉華封之棕魂遠南極半垣日睇東  
溟十屋爰申心一箇惟昭愔八行天老望三台仍  
捧星辰北極人寰出一佛同茂松栢南山

有道青春

唐薛能詩朝廷有道青春好門館無私白日閑

賀冢宰壽

徐大化

伏以帝賚忠良百辟仰儀刑之望天降明德八荒  
開壽域之祥喜溢縉紳光騰朝野恭惟某官乾坤  
毓秀廬嶽鍾靈端朝宁以佐雍熙羣工祗肅秉銓  
衡而清海宇百度惟貞勛庸已樹乎無前神釐自  
延于有永茲值貞元交會之候載臨皇覽初度之  
辰瑞啓上清共喜長生泰籙星明南極同欣寶度  
重華內則壽身以壽家外則壽民而壽國真逢五  
百載之昌期茂履億萬年之泰運也某濫竽遐役

跡絆荒陲獻曝無從寄寸衷於三祝仰瞻徒切效  
 歌咏於九成伏願三壽作朋黃髮衍岡陵之筭五  
 福時歛彤庭依日月之光介繁祉于無疆竝大椿  
 而難老職無任忭躍顙頌之至

濫竽

大笙曰竽韓子齊宣王好竽必三百人齊吹南朝先生不解竽而之三百人之中以吹竽食祿先生薨後王曰寡人好竽欲一一吹之南韓乃逃尚書簫韶九成鳳凰來儀韶舜樂名簫見細器之備備樂九奏而致鳳凰也

九成

賀張相公太夫人壽

王應選

伏惟元扉弼化明良際一德之光慈幄凝釐忠孝  
 洽兩全之美曜翟輪以就日喜溢含生仰鳳誥之  
 自天道弘錫類寵膺紫極養就黃扉宗社奠安正  
 捧魏公之日庭闈悅豫旋瞻狄相之雲躬上宰以  
 承迎萬里錫荆襄之重介中樞而祗迓九天宣日  
 月之華玉佩僊琚共看婺光聯壽極青瞳白髮爭  
 傳金母下瑤京都人士舉洽歡聲卿大夫胥傾喜  
 色兩京申眷殊儀特重于上方五位頌綸異數迥

加于九錫霞駟奕麗冠彈簪八座之榮雲鼎煒煌  
亞玉食九州之貢大孝遂於顯親上忠資以報主  
奉慈聖而左右慈慶導康寧福壽之疇輔皇極以  
敷錫皇猷綏蕩平正直之理憲萬邦而維則昭千  
古之為光某謬綴班行仰勤知遇西來按節遙瞻  
相業之格天北嚮傾心祇誦孝思之永世敬裁竽  
牘贊喜門墻伏祈台鑒之昭垂莫罄私衷之欣躍

翟輪

翟雉羽也

捧日

魏徵少時夢上太山而手捧日後果為相

九錫

禮有九錫曰輿馬衣服樂則朱戶納陛虎賁弓矢鈇鉞鉅鬯

誕辰荅王給諫

謝廷諒

四十年馬躍壯遊羞詢唐舉二千石鳥補祿養痛  
切曾參憶懸弧以舍酸方閉閣而思過虛糜歲月  
無寸豎于明時高義雲天枉珍函于長者詞旨溫  
麗燁煇淵雲情意綢繆眷深僑盼翼儲四皓呼三  
老以來賓翫世七賢喚八公而作賦枕中鴻寶字  
挾風霜戶外璇題評高月旦爰夸示乎坐客實後  
足於生平綠草春回紅葵日吐前驅弩矢迓水玉  
以寵臨後帳笙歌倚蘭金而托契迭為賓主北海  
百壽類函 卷六

之尊不虛竝召生徒南州之榻尚在舍情計日披  
烟臨風

馬躍

史記蔡澤從燕人唐齊相曰富貴吾自有  
所不知者壽耳舉曰先生之壽過此以往  
四十二年澤嘆而去謂從者曰吾持梁荆  
肯躍肥馬疾驅食肉富貴四十二年足矣

鴻寶

漢淮南王安言神仙  
黃曰之事名鴻寶

復撫臺賀壽

余文光

時逢弧矢徒慚歲月之增寵過瓊瑤誤辱斗山之  
重榮加望外感切由中茲蓋恭遇台臺品高金玉  
識貫天人綉斧登壇威鎮三千禹服朱麾秉節望  
重百二秦關累踐清階光臨閩壤鯢鯢遠遁四郊  
烽火絕聞氛祲全消八郡江山生色皆至仁之惠  
皞皞無恩覩太平之風熙熙有象顧不佞某偶逢  
初度遠荷怠慈自惟荒櫟庸株幸有逃于尋斧敢  
竊金莖垂露倘有托于干霄譽實過情既踰華袞

之贈儀且及物驚看遽使之臨盟手開緘恍如面  
對汗顏拜祝祇有心銘凡此有生之年皆為曷報  
之日謝忱曷既肅啓具陳

禹服

禹平水土分天下為侯服甸服綏服要服荒服各一千里

百二秦關

秦地險固二萬人足當諸侯百萬故稱百二

回方教授賀壽代

陸應川

男子業孤方動蓼莪之感外孫壘白遽蒙華袞之  
褒圭復再三珍藏什襲恭惟先生臺下胸次冰清  
毫端泉湧雖多識王翰李邕知名之士然尚記王  
戎阮籍忘年之交時製新腔遂成故事君如許邵  
得無累月旦之評僕匪邗人愧莫和陽春之唱第  
知感激虛負襟期南有箕北有斗常嘆二星之乘  
除愈為雲郊為龍安得四方而追逐區區報謝縷  
縷費詞



外孫蓋白

曹娥碑有黃絹幼婦外孫蓋白八字以意猜之乃絕妙好詞四字○此言

文之美也

忘年之交

晉王戎以阮籍二十歲而戎與之交謂忘年交

月旦

魏志許劭論鄉黨人物每月朔輒更其品題故云汝南月旦評

愈雲郊龍

韓愈寄東野詩云吾願身為雲東野化為龍四方上下逐東野雖有別離

無由逢

代謝賀壽

鄒之麟

倦馬載馳誰云就熟分龍適紀又值初生問其棠

之咏尚存誦蓼莪之詩有感言以贈也愛而受之

恭惟大人臺下價重斯文交崇同類訪子雲而問

字宅僅一區共坡翁而論文書藏萬卷忽對黃金

膏雨之濡遂賦白雪陽春之歌匪曰維祺俾開笑

口數絳縣人之甲子老自不知開越江吟之宮商

和而焉敢其惟感佩曷既敷宣

問字

楊雄識奇字好事者輒載酒問之

維祺 詩云壽考維祺以介景福

絳縣老人 左晉悼大夫曰絳縣老人其年幾何老人曰臣生四百四十五甲子矣士

文伯曰然則二萬六千六百有六句也

越江吟 宋太宗命詞臣探題製詞時蘇易簡探得越江吟詞曰非雲非煙瑤池宴片片

碧桃冷落黃金殿鰓鬚半捲天香散駝顏醉態爛熳金輿轉霓旌影動簫聲遠

生辰辭賀

陳繼儒

伏以一事無成大負桑蓬之教二尊見棄常存吧

企 咄之思方念劬勞敢懷宴樂且浮壽原非真壽

達者等之浮漚慶生必用宰生法王目為罪罟是

用先期遁迹矢口告辭萬句涵容倍深感激

劬勞 詩蓼莪首章哀哀父母生我劬勞

桑蓬 桑弧有志四方之業罔聞

浮壽 萱蕪無情半生之籌虛度

百壽類函卷六終

百言類

卷六

附錄

國

